



Anthon Frederiksen, Partii Naleraq

**Meeqqanut inuusuttunullu 2016-imi suliniutit pillugit § 37 naapertorlugu apeq-
quteqaat nr. 5 pillugu**

Asasara Anthon

Meeqqanut inuusuttunullu suliniutit pillugit apeqquteqaatinnut qujanaq.

Akissuteqaatikka ataani erserput.

19-01-2016
Suliap nr.: 2016 - 359
All.
nr. 1922063

Postboks 260
3900 Nuuk
Oqarasuaat (+299) 34 50 00
All (+299) 34 66 66
E-mail: inin@nanoq.gl
www.naalakkersuisut.gl

**1. Meeqqanut 2016 ukioritinneqarnissaa Naalakkersuisunit qanoq malunnartinni-
arneqarniarpa?**

Naalakkersuisut meeqqanut 2016 ukioritinnissaanut pilersaarutit saqqummiunniar-
paat, naalakkersuisoqarfiit assigiinngitsut malunnartitsinissamut pilersaarutit sulia-
ralugit naammasseriapatigit.

**2. Immikkut meeqqanut malunnaatilimmik suliniuteqarnissaaq qanoq pilersaaru-
teqarfigineqarpa?**

Takuuk imm. 1.

**3. Meeqqanut immikkut malunnaatilimmik suliniuteqarnissamut aningaasat qa-
noq amerlatigisut immikkoortinneqarsimappat?**

Meeqqanut inuusuttunullu suliassaqarfimmi aningaasanik AI2015-imiit AI2016-imut
nuussisoqarpoq.

Naalakkersuisut Qaasuitsup Kommuniani meeqqat inuusuttullu immikkut ittumik su-
liniuteqarfigineqarnerannut immikkut atugassanik 5 mio. kr.-it missaaniittunik immik-
koortitsisimanerat ilisimatitsissutigineqarsinnaavoq.

**4. Meeqqat angerlarsimaffiup avataani inissinneqarsimasut september 2014 tikil-
lugu 642-nik amerlassuseqartut , angajoqqaaminnut utertinneqarnissaat pillu-
gu suliniartoqarpa?**

Ilaqutariit ingerlalluartut pilersinneratigit meeqqat inuusuttullu angerlarsimaffiup
avataanut inissinneqartarnerannik pinaveersaartitsiniarneq isumaginninnermut po-
litikkimi anguniagaavoq qitiusoq. Inersimasunik meeraanerminni kinguaassiutitigit
atornerlunneqarsimallutik kingunerlutsitsisunik (angalaqatigiittartut) immikkut ka-
tsorsaanerat kiisalu sinerissami ilaqutariinnik siunnersuisarnerit meeqqat inuusut-
tullu angerlarsimaffiup avataanut inissinneqartarnerannik pinaveersaartitsiniarner-
mut aamma assersuutaalluarput.

Naalakkersuisut ilaqutariinnut meeqqanullu nalaanneqarsimasunut sammisitanik isumaginninnikkut suliniutit nukittorsarniarlugit ilaqutariinnut sullissivinnut tapiissutit annertusisimavaat, soorlu aamma ilaqutariinnut højskolertitsisarnernut, qimarnguinut il.il. tapiissutit annertusineqarsimasut. Pinaveersaartitsineq pingaarnerpaaq kommuniniippoq, taakku meeqqanut inuusuttunut ilaqutaannullu nalaanneqartunut suliniutinik aallartisaanissamut akisussaasuupput. Tamanna pinerusarpoq Meeqqanik inuusuttunillu ikiorsisarneq pillugu Inatsisartut peqqussutaat nr. 1, 15. april 2003-meersoq naapertorlugu.

Naalakkersuisut meeqqanut inuusuttunullu tunngasutigut qitiusutut siunnersuisarfik pilersinniarlugu 2015-imi aallartippaat. Siunnersuisartoqarnermi anguniagaavoq meeqqat inuusuttullu pillugit suliaqarfimmi kommunit siunnersorneqartarnissaat ilitsersorneqartarnissaallu. Siunnersuisarfiup kommunit oqaloqatigisassavai aamma kommunini pisortat sullissisullu qanoq aaqquissuussaminnik pitsanngorsaasassanersut qanorlu oqartussaaffimmi inatsisitigut isumaginninnermilu piginnaanngorsaasassanersut siunnersortassallugit.

Isumaginninnermi pingaartumik meeqqanik inuusuttunillu suliassaqarfimmi nakkutilliineq annertusiniarlugu Aningaasanut inatsimmi aamma ukiumi missingersuusiorfiusumi 2016-imi aningaasat immikkoortinneqartut ilaneqarput. Nakkutilliinerup nukittorsarneqarnera ataavartuussaaq kommunillu ingerlatsineranni ajornartorsiutit siunnersusukkut paasineqartarnissaannik iliuuseqarfigineqartarnissaannillu siunertararluni. Nakkutilliinikkut kommunini isumaginninnikkut suliniutini ataatsikkut piginnaanngorsaasoqarlunilu piginnaasatigut annertusaasoqassaaq.

5. Apeqquut 4-mi akissut aappiussappat, qanoq pilersaarusiortoqarpa?

Takuuk imm. 4.

Med venlig hilsen
Inussiarnersumik inuulluaqqusillunga

Martha Lund Olsen

